



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 14. Regis epistola ad Franciæ Episcopos jam Tridenti congregatos.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A.C. 1562.

vicissim enim Pontifex petebat, ut non Franciæ Episcopi Pontificiæ auctoritati derogarent, sed soli Pontifici Ecclesiasticæ disciplinæ, ac Curia Romanæ emendatio reservaretur: ut vero eo facilius id obtineret, necnon ea, quæ Tridenti gererentur, singulis diebus resciret, cum toto Sacro Collegio Bononiam venire decrevit, ut Synodo magis vicinus, ac exigente rerum necessitate commodius agere posset, quinimo, si necessarium foret, Tridentum quoque venire paratus, hoc tamen suum animi propositum occultabat, quæsito obtentu, quod Cæsaris coronationi, quæ ibidem proxime haberetur, interesse velit, ne pro tuenda sua auctoritate magis, quam pro Pastoris officio explendo sollicitus esse videretur: (*) nihilominus Pontifex hoc iter non aggressus est, sed Romæ substitit.

§. XIV.

Regis epistola ad Franciæ Episcopos jam Tridenti congregatos.

Mem. l. 6.
p. 191.

Postquam Lansacus Tridentum venerat, brevi etiam ambo ejus Socii Arnaldus Ferrierus, & Pibracus sequebantur,

(*) Hæc Continuatoris animadversio adeo puerilis æque, ac scurrilis est, ut confutationem minime mereatur.

Sæcul. XVI
A.C. 1562.

portemus fructum adeo necessarium
 pro rerum per malitiam, ac tempo-
 rum corruptionem depravatarum re-
 formatione, pro pace, ac totius Chri-
 stianæ Reipublicæ in unam sanctam,
 puram, & Catholicam fidem consen-
 sione: has igitur ob causas, quoties-
 cunque Lanfacus a vobis conventum
 haberi postulabit, sive in suis ædibus,
 sive alibi, ut de rebus occurrentibus,
 aut Synodo proponendis deliberetur,
 id exequi non negligatis, atque in
 omnibus, & per omnia prudenter, ac
 solerter vos geratis, unanime studium
 præferentes, nullumque affectum,
 aut pertinaciam exhibentes, ob quam
 privata vestra commoda bono publico
 præferre velletis: insuper una omnes,
 licati ejusdem Nationis, atque ejus-
 dem Principis, Regisque Christianis-
 simi subditi estis, ita etiam in iisdem
 opinionibus unanimes fitis, unice ob
 oculos ponentes, quicquid ad divini
 nominis honorem, & gloriam, ac se-
 danda Religionis dissidia conferre po-
 terit, prout uberius percipietis a Lan-
 faco, nostrisque Oratoribus, quibus
 in omnibus, quæ vobis dixerint, ean-
 dem fidem, quam nobismetipsis præ-
 sentibus, adhibere velitis, rogo.